

**INSTITUT ZA ZDRAVLJE I  
SIGURNOST HRANE**  
Fra Ivana Jukića br. 2  
72000 Zenica

**VETERINARSKI FAKULTET**  
Zmaja od Bosne br. 90  
71000 Sarajevo

**PROTOKOL**  
**O NASTAVNO-NAUČNOJ I STRUČNOJ SARADNJI**  
**U OBLASTI VETERINARSKJE MEDICINE**

**Član 1.**

*Institut za zdravlje i sigurnost hrane*, na adresi Fra Ivana Jukića br. 2, Zenica, (u daljem tekstu Institut) kojeg zastupa direktor prim. dr Senad Huseinagić i *Veterinarski fakultet Sarajevo*, na adresi Zmaja od Bosne 90 Sarajevo (u daljem tekstu: Fakultet), koji zastupa dekan prof. dr Nihad Fejzić izražavaju saglasnost u pogledu namjere da uspostave nastavno-naučnu i stručnu saradnju u oblasti veterinarske medicine.

**Član 2.**

Ovaj Protokol se odnosi na sljedeće oblike saradnje:

- saradnja na naučnoistraživačkim projektima od nacionalnog, regionalnog i međunarodnog interesa;
- saradnja u dobijanju finansijske podrške od međunarodnih organizacija i asocijacija za realizaciju zajedničkih naučnih projekata;
- zajedničko publikovanje naučnih radova koji su rezultat zajedničkih istraživanja;
- integracija bilateralne saradnje u programu Evropske Unije i međunarodnih organizacija;
- predavanja po pozivu iz određenih aktuelnih naučnih oblasti;
- saradnja na zajedničkoj izradi i izdavanju publikacija (udžbenika, monografija i dr.) iz oblasti veterinarske medicine;
- saradnja u svim područjima, kako nastavnim, naučnim tako i dijagnostičkim između različitih odjeljenja obje institucije;
- prisustvo na naučnim i stručnim skupovima koje organizuju obje institucije;
- analize i superanalize;
- i drugi srodni oblici saradnje.

**Član 3.**

Obje strane učesnice se obavezuju da preduzmu mjere u cilju stvaranja radnih uslova za realizaciju oblika saradnje iz člana 2., u skladu sa godišnjim programom saradnje, koji je sastavni dio ovog Protokola i donosi se za svaku oblast saradnje zajedničkim dogovorom za svaku kalendarsku godinu.

#### Član 4.

Obje strane učesnice određuju po jedno odgovorno lice za koordinaciju za svaki vid saradnje, a o realizaciji godišnjeg Programa saradnje koordinatori saradnje podnose izvještaj direktoru Instituta i dekanu Fakulteta dva puta u toku kalendarske godine.

#### Član 5.

Ovaj Protokol se zaključuje na neodređeno vrijeme. Jedan put u toku kalendarske godine, a po sačinjenim izvještajima, razmatrat će se prijedlozi obje strane potpisnice o izmjenama ili dopunama istog.

#### Član 6.

Dijagnostičke aktivnosti u finansijskom smislu realizirati će se u skladu sa važećim cjenovnikom obje strane potpisnice. Sva prava i obaveze po osnovu ovog oblika saradnje regulisat će se posebnim ugovorom.

#### Član 7.

Svaki eventualni spor strane potpisnice će pokušati riješiti sporazumno.

#### Član 8.

Protokol je sačinjen u četiri (4) istovjetna primjerka od kojih svaka strana zadržava nakon potpisivanja i ovjere po dva (2) primjerka za vlastite potrebe.

#### Član 9.

Strane potpisnice su saglasne da ovaj protokol i obaveze koje iz njega proističu stupa na snagu danom potpisivanja i ovjere.

